




علم ، صنعت و اخلاق دار هفته لی مجموعه

هفته مصاحبه سی

حریت بایرامی

قالدیغنی کورده آق صقاللی اختیارلر ، داها صاحی بتمه مش
یتیم طورونلرینه باقهرق ، یاشلی کوزلرینی کؤک یوزینه چوریدیلر ؛
« یاری بومعصوملر حتی ایچون بزی قارا کونلردن قورتار ! »
دییه آغلادیلر... اوت ! او کونلر « آل عثمان » ک قارا کونلریدی ؛
او کونلر بزم بایراملر موزه تصادف ایتمدیکی زمان ، یالکزدشمنلر من
شنلک یاپیورلردی . فقط او کونلر دشمنلر دیشاریدن بزی
ازمکه چالیشیرکن ، اونلردن داها مشوم بر قوت ، استبداد
قوتی بزی ایچریدن سیوب بیتیرمکده ایدی . آغیزلر کلیدله نمش ،
ملک عاقبتی دوشونن قفالر طاشله ، دمیرله ، آتشله آزیلمش ،
قیریلشدی .

اون تموز ، کندیسینی ایچریدن آزوب بیتیره ، حتی
فلا کتلیخی بیلله دوشونمکه براقایان مشوم قوته قارشلی ملی
روحک برعصیانی اولدی . اوغرادینی بوتون فلا کتله ،
طالعک بوتون اوغورسنزقلرینه رغماً کندی قوته ، کندی
استقبالنه اینانمقدن برآن بیلله واز کچمین بومغورور واصلیل
ملت ، اوزون سنه لر ، اینانیلمایه حق برصبروتوکلله ، اسارت
زنجیرلرینی حتی شاقیرداتمقسزین طاشیدی ، طاشیدی ... سسینی
او قدر صاقلادی که ، دیشاریدن باقائلر اونو اییستر ایسته من
ثولوم حالده صاندیلر . فقط ، خایر ! آسیا بوزقیرلرنده آتی
آقین قوقوسیه کیشنه دیکی زمان قومشو قوملرک سورو سورو
قاچدینی بوملت ، آغیر وکسکین قیلجیلله عصرلره تحکم ایدن ،
تختلر ده ویرن ، قراللر یاراتان بوملت ، روخنده بیتمز توکنمز
نسللرک بیریکدیردیکی قوت واعتماد منبعی قوروتیبیلیرمیدی ؟ ..
آتی برحله ، ملی روحک اوفاق برصدمه سی ، دنیانک الک
قوتلی صانیلان بر استبدادینی بردقیقه ده ده ویرمکه کافی کلدی ؛
وبوکا « اون تموز انقلابی » دیدیلر . او بردقیقه ایچنده ده ویریلن
یالکز عبدالحمید ، یالکز اونک صیرمه البسه لی رجالی ،
قیرمیزی فسلی خفیه لری دکلدی ؛ روم ایلی افقلرنده پاتلایان
طویلر بوتون بردورک ، مؤسسهلریله ، فیکرلریله ، قساعتلریله

بوهفته بزه ایکی بایرامی بردن کتیردی : اون اوچ
عصردن بری روحلره امید وتسللی بخش ایدن اسکی رمضان
بایرامیله ، هنوز پک قیصه ، طوی طوی دوقوز سنه لک برحیاته
مالک اولان کنج حریت بایرامی بربرینه قاریشیدی . اوچ
سنه دن بری ریوزنده توتن بوتون او جاقلره قانادلرینی کرمش
قارا باقوشک اوموزلر من اوزرنده کی آغیرلغنی بویاز دفع
ایده بیلش اولسه ییق ، بوبایرامی برچوق سودکلر مزله ،
دوستلر مزله محاط اولارق کچیره جک ، حربک بزم قهرمان
صفر مزله یاراتدینی بیتمز توکنمز منقبه لری دیکله یه جکدک .
مادامکه حرب ریوزنده توتن توتمه یین بوتون او جاقلر اوزرنده
حالا تضیقنی دویوریور ، او حالده نه باس وار ، وارسین طونج
یوزلی ، چلیک قلی عسکرلر من ، دده لرینک عصر لرجه یایمقدن
بیقما دقلری کی ، بوبایرامی ده سینورلرده کچیرسینلر . وارسین
بوییلده ، اسکی استیلا دورلر مزلده اولدینی کی ، شیل طونه
بویلرندن ، صاری چولاره قدر سانجاغمزلک دالغالاندینی هریر
تکیر سسلریله ایکه سین وشنلک آتشلریله پارلا سین ! دشمن
طویلری حدودلر مزلده وحشی ییلدیرملر کی کورلرکن ،
عثمانلی اوردوسی بایرام شنلکینی ، آنجاق اوییلدیرملره سونکوسنی
سپر یاهرق قارشیلایه بیلردی ...

اوردولر من داها قاچ عصر اول مجارستان سینورلرندن ،
طونه یالیرندن ، قافقاس طاغلرندن چکیلمایه باشلادقندن بری ،
چوق بایراملر کلوب کچدی . بعضی وقت برظفر نشئه سیله
روحلر انشراح ایچنده ، فقط چوق دفعه یکی بر بوزغونک
قلبلره چوکن نهایتسز الملری آراسنده بایراملر منی کچیردک ؛
چوق دفعه اوردولر من سینورلرده بایرام یاپدی ؛ لکن برچوق
بایراملر ، وطندن یکی قوپاریلان قوجه ثولکه لرک دشمن النده

بيقيلاجنى ، اونلار يرينه يكي بردور ، يكي برجيات ، يكي فكرلر ، يكي مفكورلر كله جگنى خبر ويريوردى .

اون تموزدن اول ، درت طرفى قابلايان دشمنلر بزه ديشاريدن محترص كوزلرله باققله اکتفا ايدىوردلدى . عصرلرى وقطعلرى قوجاقلامش اولان بواسكى ايمراطورلىق ، ايجريدن بيكلرجه حشرلك كىروب بتيديكى اسكى وجوق معظم بر بنا كې ، كوناك برنده كندى كندىسنه چوكويره جك ، او وقت هر كس بواقضدن كندى پاينه دوشهنى سسزجه آلاجقدى . حدودلرمنك ديشاريسنده اوموعود كوني درت كوزله بلكه ين يوزلرجه ييللق دشمنلرمن ، كندى آرالرنده بومحقق ميراني پايلاشمغه چاليشيورلر كن ، استبدادى ييقان طويلر ، قولالقرنده اسكى دور آقنجيلرينك توحيد ندالرى كې چينلادى . ايشته اووقت ، كيچ اولقله برابر بويكى حقيقى آكلاديلر : سسزجه ميراني بلكه دكلرى بوقاچ عصرلق « خسته آدم » بيلمم قاچنجى دفعه اولارق ، آرتق صوك دقيقهسى كلش ظن اولونوركن تكرار ديرلش ، تكرار حياه آتيلمشدى ؛ و آرتق بوسفر كندى حياه كندى حاكم اولاجقدى .

او وقت ، يكي پلانلر ، يكي تشبيلر ، يكي سؤ قصدلر باشلادى . بزايچريده حریت بايرامك نشه سيله سرمست ايكن وطنك مختلف كوشلرنده عصيان واغتشاش يانغىلرى چيقارديلر . نهايت اولنردن ده بر فائده چيقمادىغنى كورنجه طرابلس حربى ، بالقان فتنه سنى آتشله ديلر . بيكلرجه سنه لك حياهتنده جوق پارلاق بايراملرله برابر جوق ده قارا كونلر كورمش اولان بو ملت ، تكرار بك آجى تجربه لر كچيردى : وطنك جوق سوكيلى بارچهلرينك الندن غصص اولونديغنى كوردى ؛ مدنى دنيلن بوتون عالمك كندى عليهنده برله شديكى دويدى ؛ جوق قارا كونلره اوغرادى . فقط ، نافله ! هيچ بر مصيبت ، هيچ بر يانغين ، روخنه كى اميد و ايمان منبى قوروتامىوردى . چونكه اونك ، هيچ بر شيله سينيرلرى كه وشه مين ، هر فلاكته قارشى ايماني وعزمى آتيران اوز جوقلرى يتشمشدى ...

بالقان حربى كې بر فلاكتدن طويسز ، سلاحيه ، پارسز فقط يالكز اميدلى و ايماني چيقان بوملت ، داها اوقارا كونلردن هنوز چيقمشكن ، روحنك بوتون ايمان و هيچانيله جهان حربنه آتيلدى ؛ دنياك درت بوجاغنه حاكم اك بويوك دولتره قارشى ، حتى بر دقيقه تردد ايتهدن ، حرب اعلان ايتدى ؛ كندى مملكتنك مختلف اقليملى خاطرلاتان اوزاق سرحدلرينه فداكار اوردولر كوندردى . بوكون اواوردولر ، قاچ ييللق حتى قاچ عصرلق يورغونلارنى خاطريله كتيرمه يرك ، بوملتك

قورتولماسى ايجون هر آن قهرمانلر كې چارپيشيورلر ... قهرمانلر كې ! فقط آغير طوبلره كوكلرينك زرهى ، نهايتسز ميترا - ليوزلره كسكين سونكولرى سپر يابارق ؛ قهرمانلرده دائما انسانللك يوقاريسنه چيقارق ... چونكه اونلر بيليورلر كه اصل بايرام ، اصل قوتولوش بايرامى ، بويوك ومعزز وطنك يابانجى كوزلر قارشيسنده پارچالانه جق بر ميراث شكلندن قورتولدينى كوندردى ؛ وبوفداكار ملت ، يالكز بوكونه ايريشمك ، كله جك نسلر قارشيسنه تميزر آلله چيغه بيلمك ايجون ، كندى سرحدلرينه اوغوللرينك كميكاريله سپرلر ياقمقدن چكينيور ...

« دمير دو كوله دو كوله طاوالانير » ديرلر . ذاتا بو قهرمان ملت شيمدى به قدر بوتون قوتى حرب ميدانلرنده دو كديكى شهيدقانلردن المادى مى ؛ اوسا يه ده ياشايوب يوكسه له ديمى ؟

فلسفه

دين ، فلسفه ، علم

مملكتمزده بر فلسفه جريانى وجوده كتيرمكه چاليشيركن ، هدفز ، فلسفه نك بر قاچ عصر دنبرى اورواده كچيردىكى مختلف جريان و مسلكلرى عينا نقل ايتك دكل ، اونك بوكونكى حقيقى استقامتى بولق اولمايدر . بو استقامتى بوكون موجود اولان فلسفه مكتهبلرينك قبول ايتدكلرى مشترك حقيقتلردن چيقارمىليرز . عصرك فلسفه سنك حقيقى استقامتى آكلامغه لزوم كورمكسز ين اورواده و قتيله وجوده كلش اولان نظريه لرى ساده جه مملكته نقل ونشر ايتمكه چاليشمق ، بهوده وحتى مضر بر قوت صرف ايلكدر . علمى و فلسفى فكرلر ك ترقيسندن بر جوق انقلاب دوره لرى واردر . هر دورك كندى مخصوص ميز خاصه لرى موجوددر . اون دو قوزنجى عصرك صوك ربمندن صوكرا فلسفه ، اوروپانك هان هر طرفنده ، متكامل و حقيقى بر استقامت آلمشدر . واقعا ماضيه اولدينى كې بوكون ده پراغماتيزم ، راسيوناليزم ، هولوسيونيزم ، ايدى آلزم كې تعداد ايدىله سى قابل بر جوق فلسفه مسلكلرى تفريق ايتك ممكندر . بو مختلف جريانلره باقارق عصرك فلسفه سنده معين هدفلر بولق غير قابل اولديغنه حكم ايتك ، بومسلكلرك حقيقتنه نفوذ ايتمه مك ديمكدر . بو قاريشق فكرى جريانلر مشترك و حقيقى نقطه لرى واردر كه اونلرى طوبلاياجق اولورسه ق بوكونكى فلسفه نك استقامتى بولايلير ، عصرك فلسفه نصلىنى آكلايه ييليرز .